

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

ZAKLJUČAK
kojim se odbija Zahtjev za donošenje dopunskog rješenja privrednog subjekta „ORTHO LIFE“
d.o.o. Bihać

Sarajevo,
maj, 2017. godine



Broj: 02-26-2-013-67-II/16
Sarajevo, 04.05.2017. godine

Konkurencijsko vijeće Bosne i Hercegovine, na osnovu člana 25. stav (1) tačka e), člana 42. stav (2) Zakona o konkurenciji („Službeni glasnik BiH“, br. 48/05, 76/07 i 80/09) i člana 206. stav (1) Zakona o upravnom postupku Bosne i Hercegovine („Službeni glasnik BiH“, br. 29/02, 12/04, 88/07, 93/09, 41/13 i 53/16), u upravnom postupku donošenja dopunskog rješenja, pokrenutom po Zahtjevu privrednog subjekta „ORTHO LIFE“ d.o.o. Bihać, ul. Sarajevska broj 8., 77 000 Bihać, Bosna i Hercegovina, zastupan po Saninu Pešti, advokatu iz Sarajeva, na 1. (prvoj) sjednici održanoj dana 04.05.2017. godine, donijelo je:

ZAKLJUČAK

1. Zahtjev za donošenje dopunskog rješenja privrednog subjekta „ORTHO LIFE“ d.o.o. Bihać, u postupku koji se vodi pred Konkurencijskom vijećem Bosne i Hercegovine pod brojem: 02-26-2-013-II/16, odbija se kao neosnovan.

2. Ovaj Zaključak bit će objavljen u „Službenom glasniku BiH“, službenim glasilima entiteta i Brčko Distrikta Bosne i Hercegovine.

Obrazloženje

Konkurencijsko vijeće Bosne i Hercegovine (u daljem tekstu: Konkurencijsko vijeće) je dana 07.03.2017. godine, pod brojem 02-26-2-013-61-II/16, zaprimilo Zahtjev za donošenje dopunskog rješenja (u daljem tekstu: Zahtjev) podnesen od strane privrednog subjekta „ORTHO LIFE“ d.o.o. Bihać, ul. Sarajevska broj 8., 77 000 Bihać, Bosna i Hercegovina (u daljem tekstu: Ortho Life ili Podnosilac zahtjeva), putem advokata Pešto Sanina, ul. Džidžikovac br. 8, 71 000 Sarajevo kojim na osnovu člana 206. stav (1) Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16 - u daljem tekstu: Zakon o upravnom postupku) predlaže donošenje dopunskog rješenja.

U predmetnom Zahtjevu se navodi da je Konkurencijsko vijeće Rješenjem broj: 02-26-2-013-58-II/16 od dana 28.02.2017. godine (u daljem tekstu: Rješenje), u tačkama 1. do 3. dispozitiva odbilo zahtjev privrednog subjekta Ortho Life podnesen protiv Zavoda zdravstvenog osiguranja Unsko-sanskog kantona ul. 5 Korpusa 10, 77 000 Bihać, Bosna i Hercegovina (u daljem tekstu: Zavod) kao neosnovan u djelu koji se odnosi na povredu odredbi člana 4. stav (1) tačke b), c) i d) Zakona o konkurenciji („Službeni glasnik BiH“, br. 48/05, 76/07 i 80/09 - u daljem tekstu: Zakon), odnosno člana 10. stav (2) tačke a), b) i c) Zakona, kao i dio zahtjeva za naknadu troškova postupka.

Podnosilac zahtjeva smatra da Konkurencijsko vijeće u Rješenju nije odlučilo o tački V petita zahtjeva u kojoj se traži da Konkurencijsko vijeće naloži „Zavodu zdravstvenog osiguranja Unsko-sanskog kantona, ul. 5 Korpusa 10., 77 000 Bihać, Bosna i Hercegovina, da počev od dana pravosnažnosti i izvršnosti rješenja, u ovoj pravnoj stvari, omogući svim privrednim subjektima koji su registrirani kao proizvođači i isporučioци/distributeri ortopedskih i drugih pomagala kod Agencije za lijekove i medicinska sredstva Bosne i Hercegovine, odnosno privrednim subjektima koji posjeduju odgovarajuća odobrenja za rad Agencije za lijekove i medicinska sredstva Bosne i Hercegovine za obavljanje djelatnosti proizvodnje i isporuke ortopedskih i drugih pomagala, zaključenje ugovora o proizvodnji i isporuci svih ortopedskih i drugih pomagala, zubnoprotske pomoći i zubnoprotskih nadomjestaka koji se obezbjeđuju u Zavodu zdravstvenog osiguranja Unsko-sanskog kantona na teret novčanih sredstava tog Zavoda“.

Konkurencijsko vijeće je na 141. (stotinučetdesetprvoj) sjednici održanoj dana 28.02.2017. godine donijelo Rješenje kojim je odbijen zahtjev privrednog subjekta Ortho Life podnesen protiv Zavoda, radi utvrđivanja postojanja zabranjenog sporazuma iz člana 4. stav (1) tačke b), c) i d) Zakona, odnosno utvrđivanja postojanja zloupotrebe dominantnog položaja iz člana 10. stav (2) tačke a), b) i c) Zakona, kao neosnovan.

Konkurencijsko vijeće je u Rješenju utvrdilo, da Zavod kao organ uprave nije učesnik na relevantnom tržištu, odnosno ne obavlja djelatnost koja ima ekonomski karakter i ne ispunjava osnovni uslov za zloupotrebu dominantnog položaja – nema dominantan položaj na tržištu proizvodnje i isporuke ortopedskih i drugih pomagala na području Unsko-sanskog kantona predviđenih Odlukom o obimu prava na korištenje ortopedskih i drugih pomagala, zubnoprotske pomoći i zubnoprotskih nadomjestaka koji se obezbjeđuju u Zavodu zdravstvenog osiguranja Unsko-sanskog kantona („Službeni glasnik Unsko-sanskog kantona“ broj: 8/10 i 19/11) kojom je utvrđena jedinstvena Lista pomagala, zubnoprotskih sredstava, sanitarnih sprava i endoproteza u kojoj su utvrđeni rokovi trajanja, standardi za materijal od kojeg se izrađuju i visina učešća Zavoda u njihovoj nabavci, te je u tački 2. dispozitiva Rješenja od 28.02.2017. godine odbilo zahtjev kao neosnovan.

Članom 11. stav (1) tačka a) Zakona, propisano je da Konkurencijsko vijeće na osnovu čl. 9 i 10. Zakona, donosi rješenje kojim utvrđuje dominantan položaj i postupanje privrednih subjekata kojim se zloupotrebljava taj položaj i sprečava, ograničava ili narušava tržišna konkurencija, te trajanje takvog ponašanja.

Član 11. stav (1) tačke c) i d) Zakona propisuju da Konkurencijsko vijeće u rješenju određuje rokove i mjere za otklanjanje štetnih posljedica postupanja privrednog subjekta kod zloupotrebe dominantnog položaja, kao i druge odgovarajuće mjere koje doprinose osiguravanju konkurencije između privrednih subjekata na relevantnom tržištu, te rokove za njihovo donošenje. Obzirom da Konkurencijsko vijeće u predmetnom postupku nije utvrdilo da Zavod ima dominantan položaj na relevantnom tržištu, pa samim tim je utvrdilo da nije bilo povrede člana 10. Zakona od strane Zavoda, Zahtjev privrednog subjekta Ortho Life u smislu člana 11. stav (1) Zakona, a u vezi sa članom 206. stav (1) Zakona o upravnom postupku, je neosnovan.

Konkurencijsko vijeće, napominje da je dana 10.04.2017. godine, pod brojem: 02-26-2-013-64-II/16 zaprimilo Tužbu privrednog subjekta Ortho Life, zastupanog po Saninu Pešti, advokatu iz Sarajeva, kojom je pokrenut upravni spor protiv Rješenja Konkurencijskog vijeća. Konkurencijsko vijeće je u skladu sa članom 28. stav (2) i (3) Zakona o upravnim sporovima („Službeni glasnik BiH“ broj 19/02, 88/07, 83/08 i 74/10), dana 26.04.2017. godine, dalo Odgovor na tužbu broj: 02-26-2-013-65-II/16.

Imajući u vidu navedeno, Konkurencijsko vijeće je odlučilo kao u tački 1. dispozitiva ovoga Zaključka.

Pouka o pravnom lijeku

Protiv ovoga Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovog Zaključka.

Predsjednica:

mr. Arijana Regoda-Dražić